



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the BiH

GODINA: XIV

BROJ: 239

DATUM: 24.3.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održan sastanak predstavnika Saveza i Evropske unije	1
Podrška smanjenju rizika od katastrofa u Bosni i Hercegovini	1
Podrška smanjenju rizika od katastrofa u Bosni i Hercegovini u medijima	2
Akademija za novoizabrane načelnike	2
Predstavnici Tike posjetili radove na izgradnji II faze sportske dvorane	3
Općina Novi Grad Sarajevo dodijelila poljoprivrednicima sadnice jabuke, kruške, trešnje i šljive	3
Općina Centar kreira efikasnije alate za privlačenje investicija	4
Sanski Most dobija modernu gradsku trznicu	5
Općina Kalesija preuzela projekat o uspostavljanju finansijskog upravljanja i kontroli	5
Općina Goražde i Novo Goražde sarađuju na zajedničkom projektu koji finansira Vijeće Evrope	6
Nosi epitet jedne od najuređenijih općina u BiH	7
Grad Bihać podržao otvaranje uredovnih dana Ureda ombudsmena za ljudska prava BiH u Bihaću	7
U Varešu potpisan Protokol o saradnji za lokalni razvoj u okviru LIR projekta	8
Lokalitet bivše kasarne u Semizovcu uskoro privredno-industrijska zona	8
Najava obilježavanja dana općina i gradova za mjesec april/ travanj	9

Bilten Saveza općina i gradova Federacije Bosne i Hercegovine

ODRŽAN SASTANAK PREDSTAVNIKA SAVEZA I EVROPSKE UNIJE



Danas (17.03.2017.) u prostorijama Evropske unije u Sarajevu održan je sastanak predstavnika Saveza općina i gradova Federacije BiH sa gospodinom Dr. Franz Schaubereger, specijalnim savjetnikom gospodina Johannesha Hahna, evropskog komesara za proširenje Evropske unije i gospodinom Matt Field, šefom političkog odjela Evropske unije u Bosni i Hercegovini, a u okviru posjete premijera šest zemalja Zapadnog Balkana Bosni i Hercegovini. U ime Saveza,

sastanku su prisustvovali gospodin Semir Efendić, načelnik Općine Novi Grad Sarajevo i gospođa Vesna Travljanin, direktorica Saveza. U toku sastanka razmjenjena su mišljenja i informacije vezane za položaj i funkcionisanje lokalne samouprave u Bosni i Hercegovini iz ugla općina, sa posebnim osvrtom na rad samog Saveza. Gospođa Travljanin je informisala o pravnom okviru u kojem se odvija lokalna samouprava u Bosni i Hercegovini počevši od Evropske povelje o lokalnoj samoupravi do Zakona o principima lokalne samouprave, pa do funkcionisanja samog Saveza. Istakla je najvažnije zakone na kojima je Savez radio a i dalje radi, a odnose se na općinske resurse kao što su šume, koncesije, vode, civilna zaštita, gdje ne postoji dovoljno uvažavanje stavova općina na koje se ovi propisi odnose. Gospodin Semir Efendić je govorio o finansiranju općina i teškoćama u vezi s tim, o ciljevima koje namjerava postići u svom mandatom periodu, o potrebi bolje saradnje i razumjevanja viših instanci vlasti, ali je istakao i primjere dobre saradnje između općina kao najfunkcionalnijeg nivoa vlasti u Bosni i Hercegovini. Izazov za načelnike u općinama je problem nezaposlenosti, odlaska mladih i naravno ekonomska pitanja. Gospoda iz Delegacije Evropske unije su pokazala interesovanje za sve navedene teme, a posebno za oblast međuopćinske i međuentitetske saradnje na lokalnom nivou u okviru BiH, kao i regionalne saradnje na području Zapadnog Balkana. U vezi sa pitanjem o potrebi kvalitetnije decentralizacije Federacije BiH, predstavnici Saveza su upoznali predstavnike Delegacije Evropske unije sa inicijativom Grada Tuzle oko mogućih promjena Ustava Federacije BiH o kojima će Savez zauzeti stav na svojim organima. Na kraju su gospoda Schaubereger i Field izrazili zadovoljstvo dobijenim informacijama u toku sastanka i izrazili želju da se nastavi saradnja sa općinama kroz Savez općina i gradova Federacije BiH.

PODRŠKA SMANJENJU RIZIKA OD KATASTROFA U BOSNI I HERCEGOVINI

U Bijeljini je 17. marta/ ožujka održan sastanak u sklopu novog dvogodišnjeg regionalnog projekta "Izgradnja urbane otpornosti u jugoistočnoj Evropi - akciona mreža" (SEE URBAN), kojeg je organizovao Savez općina i gradova Republike Srpske zajedno sa Savezom općina i gradova Federacije BiH, a zajednički finansiraju Evropska unija i UNDP. Učesnicima su predstavljani ciljevi Projekta, te iskustva i dobre prakse iz Hrvatske iz oblasti smanjenja rizika od nastanka katastrofa i izgradnje funkcionalnog sistema zaštite i spašavanja. Poplave koje su pogodile Bosnu i Hercegovinu 2014. godine ukazale su na nedostatke u odbrani od katastrofa koje su se ogledale, između ostalog, u izostanku institucionalne saradnje između jedinica lokalne samouprave i viših nivoa vlasti, kao i razmjene dobrih praksi između institucija.



"URBAN SEE projekt je od izuzetne važnosti za Bosnu i Hercegovinu. Imamo priliku da nadogradimo napore koje ulažemo u ovoj oblast i uspostavimo efikasne mehanizme koordinacije između institucija kako bi se smanjio rizik od katastrofa na lokalnom nivou koji je prvi izložen, te spriječile ljudske žrtve i umanjila ekonomska šteta" istakla je Aida Hadžić-Hurem, UNDP rukovodilac projekata smanjenja rizika od katastrofa. Od januara 2017. godine, URBAN SEE projekat vrijednosti EUR 577.000, se realizuje u Albaniji, Bosni i Hercegovini, Crnoj Gori, Kosovu, BJR Makedoniji i Srbiji. Cilj URBAN SEE projekta je primijeniti i prilagoditi dobre prakse smanjenja rizika od katastrofa kako bi se umanjile posljedice i zaštitili ljudi, okoliš i imovina od prirodnih nepogoda u jedinicama lokalne samouprave. Ključne projektne aktivnosti su uspostavljanje modela udruživanja jedinica lokalne samouprave i razmjena dobrih praksi u oblasti smanjenja rizika od katastrofa, jačanje institucionalnih kapaciteta i podizanje nivoa svijesti građana.

PODRŠKA SMANJENJU RIZIKA OD KATASTROFA U BOSNI I HERCEGOVINI U MEDIJIMA



Prilog Federalne TV
(Federacija danas)



Prilog ArenaTV (Tema plus)

AKADEMIJA ZA NOVOIZABRANE NAČELNIKE



U Konjicu je, 22. marta/ožujka otvorena radionica koja nosi naziv Akademija za lidere. Savez općina i gradova Federacije Bosne i Hercegovine zajedno sa Savezom opština i gradova Republike Srpske, u saradnji sa Vijećem Evrope, realiziraju ovaj program. Radionicu je otvorio gospodin Toni Pavloski, zamjenik šefa ureda Vijeća Evrope u Bosni i Hercegovini. Liderska akademija je program namijenjen novoizabranim načelnicima i odabranim

predstavnicima u organima lokalne uprave. Tokom tri dana, koliko traje radionica, načelnici su se upoznali sa vještinama za uspostavljanje dobre i kvalitetne vlasti u organima upravljanja lokalnom zajednicom. Pored toga, predstavnici općina, kroz interaktivni rad će se upoznati sa 12 principa kvalitetnog demokratskog upravljanja i njihovog značaja, ali i iskoristiti priliku da razmijene iskustva i izazove po pitanju liderstva u svojim općinama. Program je podjeljen u tri faze, gdje je planirano da se organizuju još dvije radionice do jula mjeseca.



"URBAN SEE projekt je od izuzetne važnosti za Bosnu i Hercegovinu. Imamo priliku da nadogradimo napore koje ulažemo u ovoj oblast i uspostavimo efikasne mehanizme koordinacije između institucija kako bi se smanjio rizik od katastrofa na lokalnom nivou koji je prvi izložen, te spriječile ljudske žrtve i umanjila ekonomska šteta", Aida Hadžić-Hurem, UNDP rukovodilac projekata smanjenja rizika od katastrofa.



PREDSTAVNICI TIKE POSJETILI RADOVE NA IZGRADNJI II FAZE SPORTSKE DVOARANE



Općinu Bužim su posjetili 16. marta/ožujka predstavnici Turske razvojne agencije TIKa-E povodom početka radova na izgradnji II faze izgradne Sportske dvorane u Bužimu i kako bi potpisali ugovor sa nadzornim organom te izvođačem radova i Općinom Bužim o ustupanju lokacije izvođaču radova. Tim povodom u Općini Bužim Općinski načelnik Zikrija Duraković upriličio je prijem za zamjenika Koordinatora TIKa-E za BiH Omera Faruka Alimcia u svome kabinetu, a nakon toga i svečano

potpisivanje ugovora. U sali općine Bužim upriličeno je potpisivanje ugovora gdje su pored načelnika Zikrije Durakovića prisustvovali direktor firme "Kov-grad" Safet Kovačević, direktor firme "Euroing" Smail Nuhić, a svečanom potpisivanju ugovora prisustvovali su predsjedavajući OV Safet Ljubijankić, predsjednici klubova u OV Admir Begović, Samir Duranović, Šefik Veladžić, Kantonalni zastupnici Nisvet Jusić i Samir Abazović i direktor Centra za kulturu, sport i informisanje Mersudin Nanić. Nakon održanog sastanka i potpisivanja sporazuma predsjedavajući OV Safet Ljubijankić uručio je "Plaketu" predstavnicima TIKa-E koja im je dodijeljena na Svečanoj sjednici OV povodom Dana Općine Bužim. Po završetku sastanka delegacija je posjetila radove na izgradnji sportske dvorane. Naime, firma "Kov-grad" odmah nakon potpisivanja Ugovora je otpočela radove na izgradnji i prema planiranoj dinamici radovi bi trebali biti gotovi do kraja ove godine. "Danas su nam u posjeti i obilasku lokacije sportske dvorane u Bužimu predstavnici Turske razvojne agencije za BiH. Ovo je prilika da se njima kao i svima koji su omogućili da se izgradi ova sportska dvorana u Bužimu zahvalimo. Takođe prilika da se uruči plaketa Općinskog vijeća koje je ove godine agenciji dodijelilo istu, a sve u smislu zahvalnosti za sve ono što je TIKa uradila i što će uraditi na području Općine Bužim. Upoznali smo ih konkretno sa trenutnim stanjem projekta, šta sve treba u narednom periodu uraditi, i mi očekujemo da će u što skorije vrijeme, odnosno prije isteka onog roka po ugovoru o izgradnji ova sportska dvorana biti završena i da će Bužim dobiti jedan prekrasan objekat koji će unaprijediti sport i rad svih sportskih kolektiva na području naše Općine" kazao je načelnik Duraković.

OPĆINA NOVI GRAD SARAJEVO DODIJELILA POLJOPRIVREDNICIMA SADNICE JABUKA, KRUŠKE, TREŠNJE I ŠLJIVE

Predstavnici Službe za privredu i lokalni ekonomski razvoj, pred proljetnu sadnju dodijelili su sadnice voća poljoprivrednicima sa područja općine Novi Grad. Riječ je o četiri vrste voća jabuke, šljive, trešnje i kruške. "Opredjeljenje Općine Novi Grad Sarajevo je da značajan dio svog budžeta ulaže u privredu i poljoprivredu. Ove sedmice dodjeljujemo visokostablašice, a već naredne sedmice košnice, a potom i sadnice maline, a podržavamo i kreiramo i druge projekte iz oblasti poljoprivrede", istakao je Džemaludin Kahrović, pomoćnik općinskog načelnika za privredu i lokalni ekonomski razvoj. Prilikom današnje dodjele sadnica zahvalnost Općini iskazao je Vahid Bašić, koji je kazao da će sadnice koje je dobio zasaditi u mjestu Kamenica, gdje posjeduje nekoliko dunuma zemlje.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbic-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Upoznali smo ih konkretno sa trenutnim stanjem projekta, šta sve treba u narednom periodu uraditi, i mi očekujemo da će u što skorije vrijeme, odnosno prije isteka onog roka po ugovoru o izgradnji ova sportska dvorana biti završena i da će Bužim dobiti jedan prekrasan objekat koji će unaprijediti sport i rad svih sportskih kolektiva na području naše Općine", Zikrija Duraković, načelnik Općine Bužim.



"Dobio sam 250 sadnica, od toga najviše sadnice jabuke, ali i kruške, šljiva i trešnje. Istinski se zahvaljujem Općini Novi Grad, jer za mene ovo puno znači, imam jako puno zemlje koja je neiskorištena, a sada ću je iskoristiti na jako kvalitetan način", rekao je Vahid. Sabir Gec, ratni vojni invalid koji posjeduje 18 dunuma zemlje u Bioči, kazao je da se bavi i pčelarstvom i da je ovo za njega velika podrška. Dodao je da u budućnosti ima namjeru da sadi voće. "Ovo mi mnogo znači, jer ne radim, a imam puno neiskorištenog zemljišta. Dobio sam 150 sadnica voća i nadam se da će mi za nekoliko godina ovo biti jedan od izvora prihoda", kazao je Gec. Inače, svi korisnici ovog podsticaja su dobili od 50 do 250 komada raznih sadnica u zavisnosti od zemljišnih površina koje posjeduju i na kojima ih je moguće zasaditi. Dodjeli sadnica prisustvovao je i profesor sa Poljoprivrednog fakulteta u Sarajevu Adnan Maličević, koji je ovom prilikom održao kratko predavanje i dao uputstvo poljoprivrednicima kako će na ispravan način zasaditi voćke.

OPĆINA CENTAR KREIRA EFIKASNIJE ALATE ZA PRIVLAČENJE INVESTICIJA



U ponedjeljak 20. marta 2017. godine, održana je četvrta sjednica Privrednog savjeta općine Centar na kojoj je razmatran način plasmana poticajnih sredstava u 2017. godini i mogućnosti prilagođavanja plasmana shodno potrebama privrednika na području ove općine. Također, u cilju stvaranja boljeg poslovnog ambijenta i mogućnosti jačanja konkurentnosti na tržištu rada, analizirane su potrebe poslodavaca prema kojim će se realizirati projekti stručnog usavršavanja, prekvalifikacije i

dokvalifikacije u najdeficitarnijim zanimanjima u ovoj općini. Na sastanku je razmatrana mogućnost primjene zakonske regulative o Javno-privatnom partnerstvu i koncesijama, te razmijenjena pozitivna iskustva na ovu temu u FBiH. Načelnik Općine Centar dr. Nedžad Ajnadžić, koji je ujedno i predsjedavajući Privrednog savjeta kazao je da od savjeta očekuje dobre poslovne ideje koje će se implementirati u saradnji sa lokalnom zajednicom i sa svim privrednim subjektima koji su raspoloženi za takvu vrstu promjena i za takav interaktivan odnos i sinergijski nastup. „Puno je izazova na koje još uvijek nemamo odgovore, ali zajedničkim i predanim radom možemo postići željene rezultate. Općina Centar je lokalna zajednica koja u sadašnjoj projekciji budžeta ima poprilično uravnoteženu prihodovnu i rashodovnu stranu. U ovom trenutku imamo oko 22 miliona projektovanih finansijskih sredstava za investicije, a naš zadatak je da pronađemo efikasne alate koji će omogućiti realizaciju zamišljenih projekata. Svakodnevno se susrećemo sa raznim vrstama ometača, a tu prije svega mislim na ambijent u kojem ulažemo, nedefinisane imovinsko-pravne odnose, nedorečenost zakonske regulative po pitanju javno-privatnog partnerstva. Zakonsku regulativu koja uređuje pomenutu oblast potrebno je mijenjati zbog problema koji nastaju sa njenom primjenom“, istakao je Ajnadžić. Na kraju sastanka, između ostalog zaključeno je da se održi zajednički sastanak sa Savjetom općinskog načelnika za urbanizam i prostorno planiranje. Također, doneseni su zaključci da se prema Kantonu Sarajevo pokrene procedura i zahtijeva izmjena Zakona o javno-privatnom partnerstvu. Privredni savjet je dao sugestije za izmjene i dopune poticajnog okvira i očekuje da će novi pristup biti stimulans za nova ulaganja u ovoj općini, te da općinska uprava pristupi prikupljanju podataka o deficitarnim zanimanjima na području općine Centar i za narednu sjednicu Savjeta pripremi detaljnu informaciju o mjerama i rokovima u vezi sa poticajnim sredstvima. Privredni savjet okuplja najeminentnije privrednike s područja općine Centar, a formiran je s ciljem omogućavanja aktivnog sudjelovanja lokalnih privrednika u procesu unapređenja poslovnog okruženja u Općini. Osnivanje Savjeta i provedene reforme su konkretni rezultati projekta privlačenja investicija i unapređenja poslovnog okruženja na lokalnom nivou u BiH (LIFE) kojeg implementira Grupacija Svjetske banke u partnerstvu sa Britanskom ambasadom u Bosni i Hercegovini, a Općina Centar je pristupila ovom projektu u decembru 2015. godine.

“Svakodnevno se susrećemo sa raznim vrstama ometača, a tu prije svega mislim na ambijent u kojem ulažemo, nedefinisane imovinsko-pravne odnose, nedorečenost zakonske regulative po pitanju javno-privatnog partnerstva. Zakonsku regulativu koja uređuje pomenutu oblast potrebno je mijenjati zbog problema koji nastaju sa njenom primjenom“, Nedžad Ajnadžić, načelnik Općine Centar Sarajevo.



Grb Općine Centar Sarajevo

SANSKI MOST DOBIJA MODERNU GRADSKU TRŽNICU

Najavljena je realizacija projekta izgradnje nove gradske tržnice, na press konferenciji koja je održana u Sanskom Mostu. Riječ je o projektu koji će se financirati sredstvima Generalne direkcije vakufa Republike Turske. O ovoj temi su govorili ambasador Republike Turske u BiH, Haldun Koč i načelnik Općine Sanski Most, Faris Hasanbegović, te glavni sanski imam Husein ef. Kovačević i koordinator ovog projekta, Mirsad ef. Spahić.



Istaknuto je kako je riječ o višemilionskom projektu kojeg je Medžlis IZ Sanski Most kandidirao preko Vakufske direkcije BiH, a prihvaćen je u prijateljskoj u Turskoj. Na konferenciji je izraženo zadovoljstvo ovim projektom te rečeno kako je ovo dobar primjer saradnje dvije zemlje na ekonomskom planu. Nakon toga, ambasador Koč je u pratnji predstavnika lokalne vlasti i Medžlisa Islamske zajednice Sanski Most obišao prostor gradske pijace gdje će se u skoroj budućnosti graditi moderna gradska tržnica s mnoštvom različitih sadržaja. Inače, riječ je o jednom od značajnijih projekata tokom poslijeratnog perioda, a u narednim mjesecima, u saradnji s lokalnim vlastima trebale bi biti obavljene sve neophodne aktivnosti u cilju rješavanja urbanističke i građevinske dozvole, kako bi radovi mogli započeti već na jesen.



Grb Općine Sanski Most

OPĆINA KALESIJA PREUZELA PROJEKAT O USPOSTAVLJANJU FINANSIJSKOG UPRAVLJANJA I KONTROLA



Općinski načelnik Sead Džafić i direktorica Sevoi grupe Zikreta Tubić potpisali su zapisnik o preuzimanju projekta uspostavljanja finansijskog upravljanja i kontrola. Finansijsko upravljanje i kontrola (eng. FMC — Financial Management and Control) je sveobuhvatan sistem internih kontrola koji uspostavljaju i za koji su odgovorni rukovodioci korisnika javnih sredstava, a kojim se upravljajući rizicima osigurava razumno uvjeravanje da će se u

ostvarivanju ciljeva budžetska i druga sredstva koristiti pravilno, ekonomično, efikasno i efektivno. Interne finansijske kontrole u javnom sektoru (eng. PIFC — Public Internal Finance Control) predstavljaju cjelokupan sistem finansijskih i drugih kontrola koji uspostavlja rukovodilac korisnika javnih sredstava s ciljem da osigura zakonito, transparentno, ekonomično, efikasno i efektivno upravljanje javnim sredstvima kao i da se osigura njihova kontrola. Sistem internih finansijskih kontrola sastoji se od tri elementa: finansijsko upravljanje i kontrola, interna revizija i centralna harmonizacijska jedinica. Finansijsko upravljanje i kontrola se zasniva na upravljanju rizicima i uvodi se radi unapređenja finansijskog upravljanja odlučivanja u realizaciji ciljeva organizacije, a naročito općih ciljeva kao što su: usklađenost poslovanja sa propisima, planovima, ugovorima, politikama i procedurama, obavljanje aktivnosti na pravilan, etičan, ekonomičan, efikasan i efektivan način, zaštita imovine, obaveza i drugih resursa od gubitaka koji mogu nastati lošim upravljanjem, neopravdanim trošenjem i korištenjem, to zaštita od nepravilnosti, zloupotrebe i prevara, pouzdano, potpuno i blagovremeno finansijsko izvješćavanje i praćenje rezultata poslovanja.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmid.com
www.eacea.ec.europa.eu



Pratite našu
web stranicu

Finansijsko upravljanje i kontrola prožima cijelu organizacionu strukturu, obuhvata cjelokupno poslovanje i sve poslovne transakcije, a posebno one koje se odnose na: prihode i primitke, rashode i izdatke, procese javnih nabavki i ugovaranje, povrate neopravdano i nezakonito utrošenih budžetskih sredstava i imovinu i obaveze. Upravo u ovim područjima (stanju prihoda i primitaka, rashoda i izdataka, imovine, obaveza, ugovora, potpisanih i zatim stavljenih u realizaciju) su vidljive krajnje posljedice finansijskih učinaka poslovanja, odnosno preduzetih ili nepreduzetih aktivnosti, realizovanih odluka, provedenih investicionih projekata i slično. Iz tog razloga su za finansijsko upravljanje i kontrolu posebno važna područja koja su vezana za planiranje i izvršavanje budžeta, računovodstvo, izvještavanje i javne nabavke. Nabrojana područja su ujedno i ključna područja za fiskalnu odgovornost. Važno je istaći da za finansijsko upravljanje i kontrolu nisu i ne mogu biti zadužene samo organizacione jedinice za finansije, već je to sastavni dio upravljačke odgovornosti na svim nivoima upravljanja i u svim organizacionim jedinicama. FUK se sprovodi u skladu sa Standardima interne kontrole koji su podijeljeni u sljedećih pet međusobno povezanih komponenti i to: kontrolno okruženje, upravljanje rizicima, kontrolne aktivnosti, informacije i komunikacija, praćenja i procjene sistema.

OPĆINE GORAŽDE I NOVO GORAŽDE SARAĐUJU NA ZAJEDNIČKOM PROJEKTU KOJI FINANSIRA VIJEĆE EVROPE



Općinu Goražde posjetila je 22. marta/ ožujka visoka delegacija ispred Vijeća Evrope koju su činili Anna Capepello, Andrew Forde i Esad Mavrić. Delegaciju su u ime Općine Goražde primili pomoćnik načelnika Sanid Zirak i Samira Drakovac, a sastanku su prisustvovali i predstavnici Opštine Novo Goražde tačnije Tomislav Čarapić, šef odsjeka za privredu i društvene djelatnosti. Povod ovog sastanka jeste projekat "Goraždanska štamparija 1519-1523." za koji su Opština Novo Goražde i Općina Goražde

zajednički aplicirali za sredstva, a koji je naišao na razumjevanje. Naime Vijeće Evrope odobrilo je sredstva za ovaj projekat u visini 6.600. eura. Partneri na ovom projektu su JU Centar za kulturu Goražde, Biblioteka "Božidar Goražđanin" Novo Goražde i Srpska pravoslavna crkvena opština Goražde. Projektom "Goraždanska štamparija 1519-1523" želi se dati doprinos razvoju i promociji kulture bosanskohercegovačkog društva, zaštititi kulturno-historijskog naslijeđa kroz afirmaciju goraždanske štamparije. Ovim projektom također se želi potencirati unaprijeđenje međupostupne saradnje opština kroz zajedničko organizovanje promocija knjiga, ali i implementaciju raznih projekata koje u osnovi imaju promociju kulture. Osnova projekta je organizovanje i održavanje naučne konferencije sa učešćem meritornih univerzitetskih profesora o značaju Goraždanske štamparije za bosansko-hercegovačko društvo. Održavanje naučne konferencije biće upriličeno u sklopu Festivala prijateljstva 2017. u Goraždu. Cilj ovog projekta jeste stvaranje i širenje osjećaja tolerancije i razumjevanja među ljudima, bez obzira na vjersku, nacionalnu, rasnu ili drugu pripadnost. Kako je inicijativa Vijeća Evrope na uspostavljanju što bliže i tiješnje saradnje između 16 podjeljenih BiH općina Dejtonskim mirovnim sporazumom, predstavnici dvije lokalne zajednice Općine Goražde i Opštine Novo Goražde, su se usaglasile da apliciraju sa projektom promocije izdanja jedne od najstarijih štamparija na Balkanu, a u sklopu ovogodišnje Internacionalne kulturne manifestacije koju organizuje JU Centar za kulturu iz Goražda uz pokroviteljstvom Općine Goražde. Tokom sastanka najavljena je i mogućnost novih projekata, a više o tome u izjavi za medije kazala je Anna Capello iz Vijeća Evrope: " Taj projekat je jedan od serije projekata u okviru programa u kojem radimo sa općinama u BiH u kojem su razdvojene entitetskom linijom razdvajanja. Važan aspekt koji želimo promovirati jeste dijalog između ove dvije općine, susjedne općine koje su male i da bi se osigurao bolji život za građane i bolje usluge koje može pružiti svojim građanima i da bi razbio stereotipe i razlike koje postoje, moraju se okrenuti jedni prema drugima i raditi zajednički. Mi smo u jednoj istraživačkoj misiji kada prikupljamo informacije o mogućem projektu koje će nam biti potrebne za izradu mogućeg projekta koji će se odnositi na mlade jer kao što znamo mladi su budućnost zemlje i savršeno je logično da mi kao Vijeće Evrope želimo čuti njihova mišljenja i ispuniti njihove želje i zahtjeve."



Grb Općine Kalesija



Grb Općine Goražde

NOSI EPITET JEDNE OD NAJUREĐENIJIH OPĆINA U BIH



Grb Općine Čapljina



Čapljina se može pohvaliti jednom od najljepše uređenih opština u Bosni i Hercegovini. Njene ljepote već dugu niz godina prepoznaju brojni turisti, a ovih dana pokrenuta je i inicijativa da se zbog izuzetne prirodne i kulturno-istorijske baštine toj opštini dodijeli status grada. Mnogobrojni sačuvani drvoredi, velike zelene površine, te više trgova i parkova i danas Čapljini daju epitet prave male zelene oaze na hercegovačkom kršu. Sve ovo stvorilo je pozitivno ozračje kod građana. Iako je broj ljudi na birou u konstantnom porastu, investicija nema, a privatnih

poduzetnika je sve manje, ipak većina stanovnika se ne žali, kažu život u ovoj malojoj hercegovačkoj općini je zadovoljavajući. Općina broji 28.000 stanovnika, a kako bi privukli strane investitore te otvorili prostor ka apliciranju na veći broj evropskih fondova koji bi doprinijeli razvoju lokalne zajednice pokreće se inicijativa da se ovoj općini dodijeli status grada. "Mi smo kao Općina dosad imali značajne uspjehe u povlačenju novca iz različitih evropskih fondova, međutim Općine ne mogu ići "uširoko" kao što to može grad, zato nam je važno da projekte koje već danas imamo spremne možemo nominirati i da nam mogu proći", kaže Smiljan Vidić, načelnik Općine Čapljina. Tri su parametra na osnovu kojih neka općina može dobiti status grada, a to su broj stanovnika, sjedište kantona i kulturno historijsko bogatstvo - na osnovu kojeg je Općina Čapljina i pokrenula inicijativu. Uz mnogobrojne prirodne ljepote, geografski položaj, uređenu gradsku jezgru koja je dobivala urbanističke nagrade, ova Općina može se pohvaliti sa devet nacionalnih spomenika, te je mnogi s razlogom svrstavaju među najznačajnije historijske centre u BiH i regiji. "Imali bi veći stupanj autonomije i širi krug nadležnosti, što se tiče i razvojnih projekata i razvoja turističke ponude u punom smislu. Ide se na te neke komparativne prednosti koje ima, bogato kulturno nasljeđe, prirodne potencijale, sve što imamo i Čapljina se može razviti u jedan urban i moderan grad", kaže Katja Stojić iz Turističke organizacije "Čapljinka". Kroz općinu teku četiri rijeke, a blizina Jadranskog mora i mediteranska klima stvaraju osnovne klimatske uslove čapljinske regije koje ovo mjesto čine poželjnim za život. Veliko kulturno-historijsko nasljeđe je kriterij na osnovu kojeg Čapljina namjerava tražiti status grada. Među nacionalnim spomenicima prednjači srednjovjekovni grad Počitelj, koji je na tentativnoj listi da bude proglašen svjetskom baštinom. Osim spomenika, tu su tradicionalne kulturne manifestacije poput međunarodnog ljetnog karnevala te umjetničke kolonije.

Izvor: N1

**KORISNI LINKOVI ZA
PREDPRISTUPNE FONDOWE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euoinfocentar.ba
www.balkanfund.org
www.eurelmed.com
www.eacea.ec.europa.eu

**GRAD BIHAĆ PODRŽAO OTVARANJE UREDOVNIH DANA UREDA OMBUDSMENA ZA
LJUDSKA PRAVA BIH U BIHAĆU**

Gradska uprava Bihaća dati će podršku za skoro otvaranje uredovnih dana Ureda ombudsmena za ljudska prava BiH u gradu Bihaću. Istaknuto je ovo na današnjem susretu bihaćkog gradonačelnika Šuhreta Fazlića sa Ombudsmenima za ljudska prava BiH Jasminkom Džumhur i Ljubinkom Mitrovićem, te predstavnicima OSCE-a predvođenih Martinom Bianchiem, šefom Kancelarije OSCE-a u Drvaru. Ističući da je za grad Bihać od izuzetne važnosti otvaranje uredovnih dana Ureda ombudsmena za ljudska prava BiH, bihaćki gradonačelnik Šuhret Fazlić kazao je da će dolazak predstavnika Ureda značiti jačanje pravnog sistema, odnosno ubrzano rješavanje i uklanjanje nedostataka koji su doveli do povreda ljudskih prava građana Bihaća, odnosno Unsko-sanskog kantona.



“Grad Bihać je poznat kao otvoren grad i grad koji vodi računa o poštivanju ljudskih prava i sasvim sigurno je da će uredovni dani dodatno poboljšati i zaštititi ljudska prava svakog građanina, a posebno onog kojem su ista prava povrijeđena. Stoga ćemo osigurati prostorije za rad službenika Ureda iz Banja Luke i biti podrška u nastojanjima da se nivo ljudskih prava zaštiti od institucija pravne države“, kazao je gradonačelnik Fazlić. Zahvalivši se gradonačelniku Fazliću na podršci i spremnosti da pomogne otvaranje uredovnih dana, ombudsmeni Džumhur i Mitrović istakli su da je plan organiziranje uredovnih dana dva puta mjesečno u gradu Bihaću, čime bi se omogućilo građanima Bihaća i ostalih općina USK-a lakša komunikacija i savjetovanje sa službenicima Ureda ombudsmena za ljudska prava BiH.

U VAREŠU POTPISAN PROTOKOL O SARADNJI ZA LOKALNI RAZVOJ U OKVIRU LIR PROJEKTA



Predstavnici općine Vareš potpisali su 24. marta/ ožujka Protokol o saradnji za lokalni razvoj, u okviru projekta „Lokalni integrisani razvoj“(LIR), koji finansira Evropska unija (EU), a realizuje Razvojni program Ujedinjenih nacija u Bosni i Hercegovini (UNDP BiH). Potpisivanjem protokola potvrđuje se spremnost općinskih vlasti da aktivno učestvuju u daljem poticanju lokalnog rasta, unapređenju životnog standarda i poboljšanju kvalitete usluga koje se nude građanima. Protokolom se utvrđuju konkretni razvojni ciljevi, koji su podržani kao dio programa

pomoći u okviru LIR projekta, a glavni cilj je omogućiti provedbu razvojnih prioriteta, koji su usmjereni ka poboljšanju životnog standarda svih građana koji žive na području općine Vareš. Tokom realizacije ovih aktivnosti, fokus će biti na jačanje saradnje i podrške za unapređenje funkcije lokalnog razvoja i upravljanja finansijama, opštinske usluge i infrastrukturu, te ekonomski razvoj i stvaranje novih radnih mjesta.



Grb Općine Vareš

LOKALITET BIVŠE KASARNE U SEMIZOVCU USKOR PRIVREDNO- INDUSTRIJSKA ZONA

Kasarna u Semizovcu, koju je Vlada FBiH dala na korištenje Općini Vogošća, trebala bi u budućnosti da postane privredno-industrijska zona. Namjera Općina je da na tom prostoru izraste moderan kompleks, privlačan za investitore, ali istovremeno i da bude na raspolaganju stanovnicima ove općine, saopćeno je iz te općine. Općina je pokrenula i izradu regulacionog plana (RP) Privredna zona Semizovac kojim će se na ovom lokalitetu planirati izgradnja privrednih objekata sa pratećim sadržajima. Usvajanjem ovog RP-a i u skladu sa zakonskim propisima, definisat će se svi uslovi korištenja zemljišta. Prednost ovog lokaliteta je u tome što se nalazi pored magistralnog puta Sarajevo- Tuzla i u blizini koridora Vc, kao i zbog činjenice što se na ovom prostoru nalazi potrebna infrastruktura, pa će svi oni koji žele ulagati i otvarati nove firme moći to uraditi u relativno kratkom vremenu. Industrijska zona u Semizovcu zamišljena je i kao prostor za otvaranje tzv. čiste industrije, bez štetnih uticaja na okoliš, što će otvoriti mogućnosti da se uz povoljan poslovni ambijent građanima ponude i drugi



ugostiteljski, sportski i rekreativni sadržaji, navodi se u saopćenju.



Grb Općine Vogošća



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

facebook
Savez općina i gradova Federacije

Gledajte Savez općina i gradova Federacije Bosne i Hercegovine na

Pratite Savez općina i gradova FBiH na

You Tube

g+

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC APRIL / TRAVANJ

06. april/travanj - Dan Grada Sarajeva i obilježava se kao sjećanje na oslobođenja grada 1945. godine.

06. april/travanj - Dan Općine Breza. To je dan oslobođenja Breze od fašista iz II. svjetskog rata 1945. godine.

12. april/travanj – Dan oslobođenja Zenice.

15. april/travanj - Dan Općine Kakanj. Radi se o prvom spominjanju imena Kakanj u pisanim izvorima. Na taj dan 1392. godine kralj Stjepan Dabiša darovao je vojvodi Hrvoju Vukčiću dva sela u okolini Kaknja. Općinsko vijeće Kakanj je 14. marta 1996. godine odlučilo da se 15. april proglasi Danom Općine Kakanj.

28. april/travanj - Dan Općine Vitez. Ovaj datum se obilježava kao dan Općine jer je tog dana 1952. godine Narodna skupština NR BiH donijela Zakon kojim je formirana Općina Vitez.

Bosna i Hercegovina je 24. aprila/travnja 2002. godine kao punopravna članica primljena u Vijeće Evrope, čime je postala 44. članica tog tijela.

